

畿

輔

安

瀾

志

畿輔安瀾志

臣王履泰恭纂

漳沱河卷四

修治

後漢書地理志古今注永平十年作常山呼沱蒲吾  
渠通漕船也 章帝紀建初三年罷常山呼沱石臼  
河漕 鄧訓傳永平中理呼沱石臼河從都慮至羊  
腸倉欲令通漕太原吏人苦役連年無成轉運所經

三百八十九隘前後沒溺無算訓考量隱括知大功

難立具以上言肅宗從之罷其役

譚案紀要引漢書多誤辨見原委卷

舊真定府志河水爲真定患尚矣嘗觀東漢永平

間治滹沱石臼河及鄧訓請罷史稱省費萬計全

活數千人是治河之無功不如順導之爲利也明

矣今查圖志真定諸水其最鉅者曰滹沱其中溪

流志所不載或發山泉或出地脉稍加雨水皆能

爲患如冶滋沙韓漳派等河其尤也

三國志魏志建安十一年遼西單于蹋頓尤彊公將  
征之鑿渠自滹沱入派水名平虜渠

謹案于慎行筆塵曹操鑿二渠一自滹沱入派水  
謂之平虜渠在都城之南疑卽滹沱入運處也文  
定所謂都城南則今大城文安及霸州武清之境  
滹河合白河南北運道所由也而其入派水則在  
安平饒陽之界通典滹沱舊在饒陽縣南魏武因  
饒河故瀆決令北注新溝所以今在縣北

宋史河渠志熙寧元年河水漲溢詔都水監河北轉  
運司疏治六年深州祁州永寧軍修新河八年正月  
發夫五千人並胡蘆河增治之元豐四年正月北外  
都水丞陳祐甫言滹沱自熙寧八年以後汎濫深州  
諸邑爲患甚大其下流入邊吳宜子淀最爲便順若  
障入胡蘆河約用工千六百萬若治程昉新河約用  
工六百萬若依舊入邊吳等淀約用工二十九萬其  
工費固已相遠乞嚴立期會定歸一策 又樞密院

官言程昉放滹沱水大懼填淤塘樂失險固之利安  
石謂滹沱舊入邊吳淀新入洪城淀均塘樂也蓋安  
石方主助等故其論如此 又太宗淳化二年從河  
北轉運使請自深州新岩鎮開新河導胡蘆河分爲  
二派凡二百里抵常山以通漕運胡蘆河始自冀州  
新河鎮入深州武強縣與滹沱河合流其後變遷入  
大河至神宗熙寧中內侍程昉請開決引水入新河  
故道

金史河渠志大定八年六月滹沱犯真定命發河北西路及河間太原冀州民夫二萬八千繕宗其隄岸十七年滹沱決白馬岡有司以聞詔遣使固塞發真定五百里內民夫

元史河渠志延祐七年十一月真定路言滹沱河北決隄寢近城每歲修築聞其源本微與治河不相通後二水合其勢遂猛屢壞大隄本路達魯花赤哈散於至元三十年言惟引闢治河自作一流滹沱河水

十退三四至大元年七月水漂南關百餘家淤塞冶  
河口滹河歲有潰決大德十年至皇慶元年節次修  
隄用捲埽葦草二百餘萬官給夫糧備傭直至延祚  
元年三月至五月脩隄二百七十餘步其明堂判官  
勸村三處就用橋木爲樁徵夫五百餘人執役月餘  
不能畢七月八月又衝塌木方等村隄復差夫築月  
隄延祐二年嘗闢冶河已復湮塞至治元年眞定路  
言將木方村南舊湮河道疏闢導水東南行牖閉北



岸却於河南取土修築至河頭村合入本河可以民  
安議以截河築隄一千餘步開掘故河老岸闊六十  
步長三十餘里上嚙下滯必致潰決將河北岸舊隄  
比元料增添工物如法補築滹沱河北岸縷水隄一  
十處泰定四年真定河水爲害議自王子村辛安村

謹案邢州北有辛安莊猶有辛安渠形迹蓋元人  
開引唐沙滋三河以分殺滹沱水勢故道亦湮

河長四里餘接魯家灣舊澗復開二百餘步合入冶  
河以分殺其勢又木方村滹沱河南岸故道疏滌三

十里北岸下檣捲埽築堤捍水令東流工部議役太  
勞民擬先開冶河眞定路民夫不敷於鄰郡順德路  
差募夫日給中統鈔一兩五錢如侵碍民田官酬其  
直從之 又皇慶元年議照冶河故道自平山縣西  
北河內改修滾水石埽下修龍塘堤東南至水碾村  
改引河道一里蒲吾橋改闢河道一里上至平山縣  
西北下至寧晉縣疏其淤澱築堤分其上源入舊河

以殺其勢

謹案正定府志諸水無可洩之旁渠而冶河有已開之故道擬照前代已試之良法

復相地形滂下之處捲埽築隄防其北潰則冶河自  
爲一派而無合流之橫其曹馬口隄三十餘里又因  
舊址而築之俾二水南北中行庶幾一勞永逸復有程同程章二石橋阻咽  
水勢攔閉減水月河二道欒城趙州寧晉地形低下  
恐水泛欒城趙州壞石橋阻流爲害謹於欒城縣北  
聖母塘東治河東岸開減水河去真定之患二年委  
官修治計冶河始自平山縣北關西龍神廟北獨石  
橋迤長五千八百六步役夫五千爲工十八萬八百  
七十無風雨妨工三十六日可畢

明史河渠志溥沱河故道洪武間一濬建文永樂間  
脩武強真定決岸者三宣德六年山水暴泛冲壞隄  
岸發軍民濬之正統元年濬獻縣決大郭龍窩口隄  
四年濬饒陽決醜女隄及獻縣郭家口隄滄深州田  
百餘里皆命有司脩築十一年復濬晉州故道成化  
七年巡撫都御史楊瑋言宜求故跡隨宜濬之帝卽  
令董其事宏治二年脩真定縣白馬口及近城隄三  
千九百餘丈比年大水真定城內外俱浸改挑新河

水患始息嘉靖元年築東鹿城西決口脩晉州紫城

口隄

謹案正定府志正德十三年紫城口淤塞淺淺

兒河深州界遣夫於涅盛集迤東修築隄岸障歸土寧晉故道工畢而漲溢南流仍并東流入東鹿界

二年太僕卿何棟言宜起藥城張村至晉州故隄築

十八里高三丈廣十之植椿榆諸樹乃濬河身三十

餘里導之南行使歸故道則順天真保諸郡水患俱

平又用郎中徐元祉言於真定濬滹沱河以保城池

又導束鹿武強河間獻縣諸水循滹沱以出

謹案明實錄戶

部郎中徐元祉陳疏濬六事一行真定府先濬滹沱河以保障城池培植要路次晉州東鹿武強等縣於紫坊涅盤等口聯河間邢獻縣等縣於寶村單家橋滹沱流窮源俾水循滹沱一派以出青縣

從之萬曆九年給事中顧問言請自饒陽河以下水占之地悉捐爲河而募夫深濬河身堅築隄岸以圖永久命議增築雄縣植隄八里任邱東隄二十里

明實錄萬曆元年七月工部覆御史田樂疏言頻年水災已極蓋滹沱黑洋白溝諸水會合經行之地下流壅塞輸洩無路方數千里田產被其覆沒水之瀦

處多在順河二府水出口多在真定所屬利不必出其土害不可委於鄰下流阻滯作何疏通上源泛溢作何約束應挑濬者挑濬之應隄壩者築之故道可復則復橋梁可建則建苟有利於生靈宜無分於彼此 正定縣志萬曆三十五年夏久雨瀰漫河隄知府汪國楠身親督築用巨槌穿鐵鍋編荆實以磚石與椿梢聯次隄遂堅固周應中曰滹沱之流合冶河而後大則闢冶河以分殺其勢誠一定之論知府曰

濟開新河今淤塞故道猶存決挑之以收前功至於

平河曠野捲埽築隄尤不可缺也

謹案金幼孜真定府修河記畧河之

去西北不半舍遠曰曹馬口舊有隄三十餘里以護城垣宋天聖間潰天章閣待制劉瑾修築成化間復潰邵守田公發兵夫距舊河數里外鑿一新河延袤十餘里深踰丈廣三百餘尺築隄二千餘丈以禦膏河之水其流入於新河北築隄長四千餘丈凡工之用一萬有奇木之用倍之荆之用又倍之石土之用

又十倍之閔

五月而竣

本朝康熙三十七年原任總督王新命奏於河間府獻

縣完固口漳滹溢分流處築攔河大壩一道橫截水



勢疏單家橋河口又以洋河上流淤塞請於王家口

築壩堵塞上下水口

互詳漳河  
東西淀篇

奏畧漳河分支原係滹沱滏陽三水合流至獻縣

西南之二十五里之完固口分爲二支一由獻縣

南單家橋經青縣北出鮑家嘴達運河一由獻縣

北臧家橋東北經河間大城地方過子牙王家口

入三角淀查單家橋河口淤塞全河之水直奔臧

家橋北流以致河間大城文安保定霸州常被湮

沒似應於完固口分流處渠攔河大壩一道橫截  
水勢疏通單家橋河口使七分之水流入運河留  
三分之一水北流減家橋以免地土淹沒并通天津  
船隻所有雄任文保所統之五官淀出自滹沱分  
流名曰洋河出王村口柴伙淀近十餘年上流  
淤塞柴伙淀之水逆流倒灌似應於王家口築攔  
河壩堵塞上下河有水口則四縣可免淹沒地土  
可以涸出而五官周圍一萬二千二百丈有零之

隄可以不必修

康熙二十九年

聖祖仁皇帝親閱指示築隄濬川開焦家口引河自廣福樓東南分洩濬沱水勢爲子牙新河大修

欽隄民埝共長一千五百二十餘里

雍正三年濬沱河徙決洲頭直衝東鹿怡賢親王奏請疏濬舊河導水南流

奏畧濬沱自去年北徙決洲頭而東直趨東鹿奔

軌四出至今尚未歸槽束邑官民請疏入泊之道以尙切已之憂然此道本非正流填淤已成平地旋加挑挖工費甚繁且大陸古澤亦不應聽其淤塞查有乾河一道係潯水入滏舊路由智邱至焦岡修治不難自張岔口挑六七里便可直接決河由焦岡而入滏沛然而東寧晉泊旣免壅淤卽束鹿深州等處亦無冲潰之患矣

雍正四年

命怡賢親王大學士朱軾查勘水道開決子牙河下流清河  
夾河月河故道障王家口西子牙河又引治河入浚  
河

怡賢親王大學士朱軾會奏水利奏畧子牙永定  
二河以淀爲河壑淀廓而後河有歸亦必河治而  
淀不壅考任邱舊治子牙河下流有清河夾河月  
河皆分子牙河之流同趨乎淀今宜尋求故道開  
決分注以緩奔放之勢子牙河現有由王家口分

爲東西二股今應障其西流約束歸一二河各依  
南北岸分道東流而萬派之朝宗可慶安瀾矣  
戶部會議條奏一子牙河自谷沙村以下河身之  
內率多田廬以致下流不暢上流濬決應先將河  
身村莊遵奉

上諭勸民遷徙倍償其價俾獲安居既濬廣福樓新河以防  
伏秋之漲再開黑龍口隄岸以洩澇水之積障王  
家口以北之西流以省其紆回濬入淀東下之正

流以遂其奔注則文安大城保定河間庶無淹沒之患矣 一統志雍正四年興脩水利於治河入滹沱之處堅築大隄以遏絕之引水由正定欒城入於涑河由是治河復循故道

雍正九年堵築完固口先是滹沱漸趨北道雍正初年單家橋河頓涸五年怡賢親王開挑淤塞導水入運至是議者以水性分流則緩濁流停滯恐反妨運復堵塞之

乾隆五年興修積水挑黑龍港河東支而寬八丈底寬四丈深二尺至五尺不等中支面寬七八丈底寬四五丈深二三四五尺不等西支面寬六丈底寬四丈深四尺

係宣洩滙水自新河口合流北行至獨流村歸子牙河疏濬事宜歲一舉行又

接築子牙新河橫隄堵截焦家口引河并挑挖河底坦平令得專洩黑龍港水又疏楊家口分引子牙河長三十五里面寬六丈至九丈深一丈一二尺不等

又挑鹿泉古章河先是初年間獻縣西北馬窪漚



水泛濫爲害至是勸用民力由元昌樓迤北於河身  
平高處挑溝一道長二百丈令上游瀝水不至北漫  
又於馮家橋大道東西修濬道溝由商家林至河間  
南八里莊橋入於老洋河 又開饒陽縣古七竈以  
洩各村積水羅家屯溝廣七尺深五尺長一千四百  
六十六弓自羅家屯東經李家池之北至張家池之  
東入呂漢河富村溝廣七尺深五尺長四百二十六  
十六弓自富村北經李家莊岐河詩家莊王家莊孟

家莊孔店南至姚家莊西入呂漢河白家池溝廣三尺深二尺長五百四十弓在白家池西北入呂漢河溝東築土埂一道以遏積水東溢小屯溝廣七尺深五尺長六千四百六十弓自小屯東境崔村留吾合我師欽萬艾劉班寨南齊北齊之東合東趙市之西合方合伯南岩之北入呂漢河合方岔溝廣七尺深五尺長一千一百五十弓自合方東北逕南岩村東至獻縣三角村北入老洋河韓合溝廣七尺深五尺

長九千三百二十八弓自東韓合之北逕南北韓合  
大小邵村常桿大小九吉肖店豆店小尹村之北段  
里劉滿善旺空城之南東至獻縣鎮上村北入老洋  
河韓溝廣七尺深五尺長三百二十弓上承深州張  
邱下歸武強南召寶界

總河顧琮總督孫嘉淦會於修濬子牙河事宜奏  
畧青縣西境爲黑龍港河之東自張洪橋以南民  
築土隄一道日久失修僅存形迹所以獻縣河間

大城之水由黑龍港而來河淺不能容納下游之  
子牙新河復又淤澁哽阻泛於青縣西南北三境  
並灌靜海縣之故城窪等處請將張洪橋自官隄  
頭至金家小營許家墳一帶民隄九段加高培厚  
復於李豹家莊焦家口等處開設涵洞將田間積  
水放入河內庶青靜二邑可免水患又子牙新河  
之東運河之西中有鳳臺等窪常存積水查荀家  
營迤北之王家營以至賈口中有高埠土埂就勢

接成坦坡再新河東隄羅家堂張家莊等處開溝  
將隄內各窪瀝水洩入新河再子牙新河原以洩  
子牙河之水於焦家口分流經廣福樓入新河因  
水勢不順而新河上游河間等縣瀝水由黑龍港  
支河匯入清濁相混以致新河淺阻積水難消上  
年焦家口堵塞已有成效應將廣福樓舊有橫埝  
基址補築坦坡並將新河通身挑挖以受黑龍港  
三支河之清水暢流歸淀則河間等縣積水不致

倒漾至子牙全河之水僅由王家口歸淀不免泛濫淤塞之虞查子牙河東隄閘劉二莊一帶隄薄地窪隄西則有蔡家窪隄東則有蒲港窪今於楊家莊河唇口處順勢開挖引河經閘劉二莊由朱家窪官家河牛欄蒲港窪於獨流大坑歸入淀河使子牙渾水由西南斜向東北水滿聽其平漫於內外各窪水落歸槽濁泥澄地溝水入窪將來各窪淤平就勢築隄使水經獨流大坑由楊柳青以

達西沽可無淤淀之患其官家河牛欄河過於淺  
窄一律挑挖又王家口爲子牙舊河入淀之尾閘  
先有三支分流今東西兩支皆已淤成高阜止餘  
中支向東北流經黃岔莊頭而抵台頭之清河全  
河出口旣止一路淺窄不暢應將河身取直開寬  
挖深可以暢流無阻

乾隆九年勅辦大學士劉統勳總督高斌會奏子牙  
河上游北注大城縣王家口每清渾並漲迤南數十

首允行

首村莊悉遭淹浸請於王家口北莊兒頭起堵截于  
牙下流另於陳家泊展開河身一道改溜東出得

乾隆十年初次興修水利開挑正定縣柏棠河長一  
千六百一十四丈護城河周圍長三千七百二十七  
丈東大道河長十三里林濟河長十五里一百十丈  
旺泉河長十五里一百五十四丈只照河自縣西洋  
村至蕩城之只照村長一十八里寬五六尺底寬八



尺深四五尺自固營村至大石橋長三百五十丈又  
東南至小石橋長三百二十丈又東南至黃莊村長  
六百十八丈又東南至小屯村長八百二十丈又東  
至隄裏村長七百三十丈又東南至只照村長六百  
六十丈

乾隆十八年改子牙支河爲正河開挑閘兒莊河尾  
添建滾水石壩分減汎漲

總督方觀承籌辦子牙河壩事宜奏畧子牙河爲

滹沱會流下游自獻縣境滙入天津之三岔河向  
來舟楫通行長蘆引鹽赴畿南行銷並皆由此通  
運緣大城境內河身窄狹西隄逼臨河岸淤發堪  
虞乾隆五年議於楊家口開挑支河下穿閻兒莊  
東隄導引陳家泊仍歸正河嗣因楊家口汕刷日  
益寬深支河水分十之七行正河水止二三分溜  
緩沙停漸至淤墊商船阻滯起剝勞費而支河下  
穿閻兒莊東隄之水過多青靜境內並虞淹漫隨

赴大城察看正河自楊家口至莊兒頭計長四十  
八里零並皆淤淺自楊家口至子牙橋一十八里  
零淺窄尤甚其楊家口支河現寬十四五丈深七  
八尺並一丈一二尺不等今若議堵塞支河不特  
水深溜湧施功不易而正河本甚淺窄必不能挑  
濬如支河之寬深仍恐淤壅查支河自楊家口至  
閻兒莊東隄止長八里零現今深通暢順兩岸約  
束循軌安流自宜因勢利導作爲正河再於閻兒

莊河尾北通蔡家窪沿留兒莊東隄挑挑河槽一  
道下接黑龍港舊河展挖寬深俾全河俱於子牙  
橋歸入正河計挑河九里有餘較之疏濬正河事  
半功倍卽將挑河之土培築東隄其自楊家口至  
子牙橋北淤淺之正河留作越河以分殺水勢惟  
將子牙橋北至莊兒頭之正河三十里隨河底高  
下挑深七尺則商船民載均無阻滯至閻兒莊現  
在河流穿越東隄處應建築攔河草壩另於壩北

東隄上脩築滾水石壩一座俾夏月盛漲正河不能容納之水由此分減卽以隄外舊河作爲引河則蓄洩有備正河不致停淤隄工得以鞏固

乾隆十九年總督方觀承奏請添建子牙河東隄石閘涵洞開放積水入子牙舊河得

旨允行

奏畧上年春間子牙河東隄添建滾水石壩所減乃夏秋盛漲之水漫出河槽二尺以上俾從壩西

滾出其餘出槽漫灘至隄根一帶積水向無去路  
因地勢西高東下又不能於汛後復行西導歸河  
自閘兒莊至廣福樓迤南河灘積水約長四十餘  
里村民因東隄原係民脩如遇水大年分汛過後  
每於春月呈請開隄放水以資播種實非經久之  
計應於東隄石壩內添建雙空閘一座令與地面  
相平俾水由河槽漫出者宣洩歸入壩外引河再  
於東隄窪處酌開涵洞三處使距稍開遠之水就

近開放引入子牙舊河身流入老君等泊則生計  
有資而隄根得免浸泡並可以資鞏固矣

乾隆二十四年七月滹沱河自束鹿改流南徙由冀  
州寧晉入盜陽河總督方觀承查勘奏請卽順新河  
行水

奏畧竊照新河寬自七八十丈至二十餘丈深自  
七八尺至一丈五六尺已成大河勢順安流蓋此  
處原係康熙年間滹沱舊道改流時淤出河道非

於本地另有衝嚙或碍田廬其張岔口東河身自  
南北二股分合共長四十餘里俱已淤成平陸斷  
非人力所能挑復且貼近東鹿城南當年頗費捍  
禦今已改道晉州寧晉境內則皆近城三十餘里  
其村莊之近河者多在高阜並築埝護村以防漫  
水東鹿田道情形亦復如是於彼於此皆爲一水  
一麥之地查勘之次住近新河土民並無以不便  
陳訴者情形旣明地方官亦知因勢利導之爲宜



皆不復言濬復舊河矣

謹案是年河改開沖三股東中二股旋即堵塞惟西一股自莊頭村起逕趙蘭莊蔣家莊賀家莊至南北留莊長十四里旋亦自行乾涸

乾隆二十八年總督方觀承奏請如濬蔡家窪添建閘兒莊草壩得

旨允行

奏畧乾隆十八年以度作正以來上游寬深如舊

下游漸至淤淺蓋緣漲發之時旁洩過盛河身水  
緩沙停又蔡家窪緊與河鄰瀦蓄迅漲挾沙灌入  
河身之故今應濬復寬深再於閘兒莊石壩上游  
建築扇面草壩一座挑水歸河使不致旁洩過多  
至蔡家窪連年積淤已有唇岸再以挑河之土加  
培成隄酌於無礙之處令於窪水通流舊河淤淺  
處所酌量挑挖以減盛漲

乾隆二十九年興脩水利總督方觀承奏以子牙支

河之尾歸入正河處所形勢不順請從子牙村南接  
穿隄而出斜向東北挑新河二十里至東窪子頭匯  
入正河又間段挑濬正河俱得

旨允行又於五蕃村東建石閘二座以資宣洩由榆錢窪歸  
入子牙河又開青縣王維溝擺渡口溝盤古溝塔寺  
莊溝流津莊溝洩夾河窪積水由十里窪入東黑龍  
港又開十里窪引河一道各溝水口俱用土壘堵截  
不致河水倒漾視河中水落則開而并注之窪地涸

出得以布種或河水高於窪水或窪內乾涸無水則

各各溝附近認脩村莊堵閉

謹案興修水利急工內一子牙正河自張家莊

至當城上挑深開寬挑河之土即以培堤修築閘兒莊草壩留兒莊石壩係由隸大城靜海青縣三縣一盤古廟以下至鮑家嘴挑淤築隄一支河吳家窪引河下游至青縣大渡口挑淤

奏畧子牙支河今已改爲正河應再加寬深以資

暢達請自閘兒莊草壩對岸起東至市子牙村南

止計長一千二百六十八丈河面原寬六七丈者

一律展寬十丈底寬三四丈者一律展寬五丈原

深六七尺者加深自七尺至九尺不等挑河之土用以培隄又自子牙村南接挑新河至王家口東漣子頭歸入正河止計長四千一百十丈應挑面寬十丈底寬五丈深五尺五寸至九尺不等卽將挑河之土於東岸夯築成隄并東子牙村小邀舖鄭兒莊三處各築護村埝一道再從前子牙河淤墊全賴支河引水如遇伏秋盛漲支河不能容納又賴蔡家窪分減今蔡家窪已漸停淤而減水石

鑿金門僅寬八尺尚應多籌分洩之路以殺其勢  
所有子牙正河自張家莊至王家口並應間段挑  
濬卽以挑河之土培於西隄 又奏畧查子牙故  
道如黑龍港杜林鎮上承阜獻一帶之沙河普頭  
河樂河漫河亭子河諸流並南宮棗強固城阜城  
東光交河等州縣瀝水均以鮑家嘴爲歸入南運  
河山路請於盤古廟西北地名十里窪之金家營  
挑挖引河一道使昔之下注鮑家嘴諸水折入東

支黑龍港由新河口穿獨流壘道歸入子牙大河  
卽於挑河之土堆築兩岸成隄嗣於覆奏急工案  
內祇議將盤古廟至鮑家嘴開河築隄其十里窪  
黑龍港挑濬各工未經列入茲覆加細勘黑龍港  
杜林鎮滙上游諸水下注多在六七月間正值南  
運盛漲之時不但內水不能洩入運河兼恐漲發  
倒灌北抵村林爲患仍照原奏計挑十里窪引河  
長一千三百餘丈面寬四丈至八丈底寬三丈深

二尺至九尺並將盤古廟至引河口淤淺處及夾河塞兩得挑濬其引河兩岸隄工共長二千六百餘丈頂寬一丈二尺底寬三丈六尺高六尺夾河西隄間段修補長四百八十餘丈又東支黑龍港自十里窪引河口起至新河口止於河底抽槽計長五千四百餘丈面寬四丈底寬二丈深三尺又自新河口起迤下爲子牙故道至老君泊止應間段挑濬長七千九百餘丈面寬四五丈底寬二丈



深二尺至五尺不等 又奏畧文安大窪向受河

間一帶瀝水廣安民隄防其北漫但東面有大城

長隄隄身橫亘瀝水向東全無去路輒北潰廣安

隄而出致爲大城文安之患請於大帥長隄近王

審村地勢低處穿隄修建雙空石閘三座外挑河

長九里零挑河之土築爲南隄將瀝水洩入榆錢

窪東注子牙河再將廣安橫隄加高培厚則文安

大窪南水之患可除又王審閘外之子牙河更宜

分導以防盛漲西溢以保閘座應於東岸冒門村挑濬引河一道長十五里引河水入蘇莊窪由買家村仍歸大河

乾隆三十二年

高宗純皇帝巡幸河淀閱視隄防因子牙河故道自谷家莊以下至吳家溝計長一千一百四十丈河身淺狹僅寬三四尺底寬二三尺不等

諭總督方觀承普加挑展面寬六丈五尺底寬三丈五尺深

三尺其上游劉家莊以下積淤十四段均於河底抽槽面寬三丈底寬二丈深一二尺不等

乾隆三十三年正定滹沱河水漲發漫及城根添築新隄脩培舊隄殘缺築護隄挑水魚鱗等壩得

旨允行

奏畧正定滹沱河本年七月內河水異漲言洩不及以致漫及城根茲於斜角頭隄添築新隄五百七十六丈其原隄長一千三百三十五丈被衝殘

缺應加高培厚并將城南之迴水隄一千六百八十六丈普律加培再查斜角隄南有護隄埽壩長九十四丈六尺現在河流汕刷工程塌陷該處爲迎溜險工自應及時拆修并於出險處加長五丈四尺益資攔護並將新隄之北頭柏棠閘加高修整與隄頂取平以資捍衛又迴水隄迤南一帶河身漸已北遷自斜角隄草工以東埽灣益險應往東從新接築挑水壩五座河神祠前建築魚鱗壩

八十丈又城南河岸爲驛站大道現在水汕成溝  
東西共長一百八十餘丈應請一律填平又郡城  
有護城隄一道外繞城河長四千三百二十丈仍  
歸民挑民培

乾隆三十七年尚書裘曰修總督周元理以子牙河  
格淀隄衝塌隄身奏請改爲壘道及增建涵洞等工  
得

旨允行

奏畧子牙河格淀一隄自當城以下一帶出水有  
限應將衝塌隄工段落改爲疊道酌添涵洞數座  
以洩子牙河出水並有水道遷改應行停脩及增  
建涵洞併子牙上流隄埝間壩覆勘應行脩治又  
蒲葦密處應開槽過水兩隄坦坡洒種荻稗野穀  
以護隄根 又奏畧子牙河東西隄岸淤灘留兒  
莊應落低壩工及壩後引河並脩培獨流等處橋  
道涵洞各工程需銀一萬一百三十二兩有零

乾隆五十年滹沱河決廣陽隄隄身衝刷成河改流南徙由趙州寧晉入滏陽河總督劉我查勘議奏停築舊隄以順水性

〔奏〕畧竊查滹沱河發源山西由五臺縣入直隸平山縣境經山靈壽正定至藁城縣廣陽村有坨灣迎溜之勢舊有趙州寧晉藁城等處民人所脩土隄一道名廣陽隄使水由北岸晉州東鹿深州衡水等處入滏陽河時廢時築乾隆五十年滹水南

徙隄身冲刷成河趙州等處民人合力堵築而晉  
州等四州縣民人則又呈請停脩若聽其廢棄而  
趙州寧晉二州縣民人又紛紛籲請當經飭委清  
河道朱瀾前往查勘漳水現由趙州寧晉直達滏  
陽河其勢甚順所有廣陽隄工已經冲刷成河一  
時難以脩復等情前來伏查漳沱河水勢遷徙靡  
常北淤勢必南趨無論隄工缺口現在不能堵築  
即使暫時堵塞一入汛期勢必復被冲刷水性就



下斷不能強其舍窪而就高卽以南北兩路經由  
各州縣村莊多寡遠近而論北路則由晉州束鹿  
深州衡水四州縣入滏陽河計程一百六十餘里  
南路則由趙州寧晉并藁城之一隅至滏陽河計  
程一百餘里亦不使舍近就遠請將廣陽一隄停  
其脩築以順水性

嘉慶五年總督顏檢請濬南杜村隄外河溝通入子  
牙正河移建閘座以防倒漾築護隄歸月隄築工並

旨允行

請移駐河員各專職守得

奏畧文安大城之被水由於河間民人扒開廣安橫隄而扒開廣安橫隄實因念祖橋劉各莊漫口沖灌情急所致今念祖橋漫口業經堵築斷流惟劉各莊漫口寬三十餘丈水深溜急施工非易於道庫撥銀一千兩購備椿料上緊堵築此處漫水斷流卽須將廣安橫隄并黃家道各缺口補築庶

三縣民人咸知水退可耕各安本業爭競之端不禁自止惟子牙河大隄殘缺之處若不急籌培築再遇水漲終無以弭患安民至大隄脩築堅固之後河間隄內瀝水別無出路蒲塔等村地勢低窪仍不免積潦爲患原建王蕃二閘業已淤平而由閘沿隄查至榆錢窪不特引河淤成平地卽榆錢窪現能受水之地方圍不過四五里若仍由此洩水必須穿窪挑引方可導入子牙正河工費旣瀾

浩繁洩水仍難暢達因於隄城上下再四相度查  
有舊閘之南社各村對而隄外有河溝一道距河  
唇長六十餘丈本年四月間居民卽於此處開挖  
通入正河藉消積水請卽於該處開挖深通隨其  
原挑溝渠酌扒彎曲斜入正河並在隄口移建石  
閘一座如瀝水高於外河卽開閘洩放當伏秋盛  
漲時卽行閉築以免倒漾其獻縣河間大城三邑  
之子牙河西岸隄工殘缺單薄處所普律加高培

厚共工段長七千一百三十一丈但獻縣河間境  
內迎溜險工難資抵禦查乾隆二十八年水利工  
程案內該河險工八處共經裁彎取直以順溜勢  
是以三十年間不致漫溢今又側注西塘頻頻爲  
害若仍裁彎取直河道旣長費亦過多擬擇最險  
之處叅用永定河工程做法間段酌加椿料作護  
隄埝以資鞏固又念祖橋劉各莊兩處漫口迎溜  
頂冲土性純沙臨河宜加築內戩並下護隄埝

後再圈作月隄以爲重門保障又杜各村閘外引  
河酌挑彎曲以順水勢但引河逼近河唇盛漲之  
時易致受淤擬築護閘月隄以爲外禦至閘座工  
費查舊王蕃南閘近存一邊雁翅北閘亦間有殘  
缺現在冰凍不能刨挖以二閘之料供一座之工  
卽需添補亦屬無幾又廣安橫隄各缺口並長城  
老隄黃家道口亦須補築查滹沱河過臧家橋迤  
北卽名子牙河又名沙河經河間大城靜海天津

以滙北運河從前鮮有漫溢自河流側注西隄屢  
致出險今卽于子牙河隄岸殘缺單薄處所加高  
培厚而河之側注如故仍恐嚙隄貽患自應加做  
龍尾埽簽樁保護以資鞏固至念祖橋劉各莊二  
處前此潰決之由實因水深跌塘浮泛不定所致  
今于裏口議添貼心壩以爲內戩再圮築月隄並  
下護隄埽誠爲慎始之道其舊王蒸二閘廢後水  
無去路積潦難消而導水之溝又易淤平卽榆錢

窪亦不能容水今昔情形不同自應將閘座移建于杜各村以時啟閉並加築月隄以資外禦如此辦理可期于河隄各工有裨而數縣民生庶免被水忿爭之慮脩隄一項詳查舊案原係動用民力惟該處連年被水雖蒙

聖恩

賑濟得安衽席民力究未全紓難望認真力役此項工程從前曾經外辦卽在外籌項切實經理毋庸另請動款亦斷不致累及閭閻杜各村閘應移駐



河上佐維一員專司啟閉至管河之員向係河間  
縣丞管理西岸景和鎮巡檢管理東岸今東岸肇  
固西岸喫重如今分岸經管未免勞逸不均應將  
念祖橋以南之東西二隄責成巡檢管理其念祖  
橋以北之東西二隄責成縣丞管理俾照料易周  
可收實效

嘉慶七年子牙河漫溢高家口決隄五十六丈署總  
督陳大文築挑水壩引溜歸入正河尅期堵築

奏畧文安積水四面周厯細勘因該縣地居窪下  
河間縣高家口漫工現寬五十六丈口門水深五  
六尺至八九尺不等斜接上游正河止餘四分之  
溜施工頗爲不易必須於正河西岸漫口之上先  
築挑水壩一道挑溜正趨歸入下游正河次將對  
面新灘順勢挑切使下游河流暢順口門溜勢自  
減方可尅期興工堵築共約需工料銀三千九十  
五兩零

嘉慶十一年總督裴行簡奏請修築于牙河新舊格  
淀隄格淀疊道涵洞橋閘並挑浚河淤等工仰蒙

皇上特發帑金及時修築奏派道府以次興工至十三年  
總督溫承惠奏報工竣

皇上親臨閱視並臻鞏固復

命尚書德瑛劉權之將格淀隄現在做就丈尺勘驗收工  
自文安縣三灘里起至天津縣西沽砲臺止共分七  
十二段通長一萬七千九百八十五丈五尺築頂寬

一丈四尺至三丈底寬三丈至六丈高二尺至八尺  
不等挑濬子牙河下游自王家口迤下起東至北運  
河止共二段長二千三百四十丈面寬十丈底寬八  
丈深八尺又紅橋以下支河七道共長一千七百零  
七丈五八面寬三丈五尺底寬一丈二尺深六尺子  
牙河下口大紅橋東入北運河築攔水壩一道長十  
八丈頂寬八尺底寬一丈二尺高八尺紅橋岔支引  
河東築攔水壩一道長九丈頂寬八尺底寬一丈二

尺尚六尺先自文安縣三灘里十數村爲子牙河沖  
決大城臨河民捨淹浸田廬尙書德瑛劉權之相度  
地勢開隄數丈宣洩積水堤工間有與原估丈尺不  
符者以實覆奏

嘉慶十一年總督裘行簡奏畧新舊格淀隄雖止  
百里係在衆河下游大以文安隄身兩面皆水又  
靜海縣當城至楊芬港疊道計長二千丈獨汎村  
後疊道九百丈因不在格淀隄工之內前此未曾

估計該處爲車馬必經之路均須一律修築整齊  
靜海縣當城迤下至天津縣杜家道溝壘道內向  
有涵洞五座天津縣王家河口壘道內原有九  
空木橋一座俱久已衝失無存查格淀隄之築原  
因子牙河渾水灌入清河涇渭不分易於淤墊而  
設現在尾閘旣大加疏濬渾水已有歸墟則此項  
橋座涵洞亟應概行堵塞一律築成壘道以免清  
濁互流日久淤墊之患 嘉慶十三年總督溫承

惠奏畧竊照千里長隄新舊格淀隄以及各處疊

道橋閘並挑濬河淤等工當經前署督臣裴行簡

派員勘估奏委清河道胡鈺天津道沈長春等督

率各該州縣分段趕辦於上年八月間臣復行親

往查勘間有未能如式及被水汕刷殘缺平墊之

工卽經面飭該道等遵照原估續加一律修復務

臻完善查清河道胡鈺承辦天津縣挑濬子牙河

並築攔水壩共估銀二萬一千五百七十兩零又

天津道沈長春承辦文安大城靜海天津等四縣  
格淀大隄及靜海之格淀疊道獨流等處橋座原  
續估共銀一十萬二千一百五十八兩零臣覆加  
查核均與原案相符再天津等縣境內格淀隄工  
前經各該縣照估脩築完竣緣該處地勢最低界  
在大清子牙兩河之間上年水勢浩瀚竟至漫過  
隄頂以致各工多有殘缺平墊及水落已值天寒  
未能卽爲培補臣前已奏明在案今歲春融水泮



卽嚴飭天津道沈長春督同各縣趕緊加鑲補築業已次第完整惟間有水中澇泥處所辦理較難且連日大風又加汕刷尚未復原估尺寸現仍趕緊培補 尚書德瑛劉權之奏畧格淀新舊隄并格淀疊道自文安縣三灘里起至天津縣西沽砲臺止共分七十二段通長一萬七千九百八十五丈五尺內惟靜海工段丈尺悉與原估相符其文安大城天津三縣隄工以上年水勢汕刷過甚其

頂底丈尺間有原估不符之處臣等於丈量時另

行分段備細註明單內應俟工部按照土方銀兩

核算題明著落承辦之員賠交完款臣查至文安

縣新格淀隄工南三灘里地方積水寬長水中十

數村民舍盡被水圍詢係去年因子牙河泛漲大

城臨河民埵被冲灌入該處四無出路據該處老

民懇求暫開新格淀隄一段以洩積水臣等察看

該處積水均已澄清不妨暫開隄工一段俾積水

瀉入淀河可無淤淺之慮是以卽飭文安大城兩縣就三灘里地勢最低之處各挖隄數丈以資宣洩現在該處地畝已涸出十之六七而歸入淀河之水尚在消涓不息應俟積窪處所再有消滅卽令於汛前一律補足完善該居民各踴躍樂從無須再動官項其迤南王家口一帶臨河民埝業經大城縣勸令百姓興工補築可不致再有積水之

患

全奏詳清  
河修治

官司

分巡清河道轄保定正定道一員

謹案畿輔通志本大名道雍正四年改設清河道  
移駐保定府管理苑家口以西各淀及畿南諸河  
增設局員霸州清河吏目一員十一年改轄保定

二府直隸五州縣河務仍駐劄保定府

分巡天津海防子才苑家淀河天津河道一員

謹案畿輔通志本天津兵備道順治初設康熙八

年不稱兵備雍正四年改爲天津河道駐天津府  
總理南運河一員兼管子牙苑家淀河等處駐劄  
天津府增設局員共二員天津縣丞一員青縣主  
簿一員子牙河主簿一員十一年復爲天津道轄  
河間天津二府兼管河務仍駐劄天津府天津府  
志天津兵備道統轄河捕泊河津軍糧捕四廳  
又案康熙三十九年設子牙分司一員專理河事  
雍正三年裁歸天津道管轄河間獻縣滹沱河自

武強縣界起至臧家橋止清河道管轄自臧家橋  
下至大城縣青縣靜海天津俱屬天津道管轄

正定府清軍捕盜同知一員

謹案舊正順大三府同知管漳衛滹沱及南北泊  
水利今漳河改流而滹沱河歸於正定府同知管  
理順德府同知惟司北泊

順德府管河同知一員

大名府管河同知一員

河間府河捕同知一員

謹案山東故城縣直隸清河縣之南運河暨河間  
獻縣之滹沱河係河間河捕同知管轄

保定府管河通判一員駐子牙河

順天府大城縣縣丞一員

正定府正定縣縣丞一員

河間府河間縣縣丞一員向管子牙河西岸嘉慶五  
年以念祖橋北東西二隄責成管理

獻縣主簿一員

杜林鎮巡檢一員

景和鎮巡檢一員向管子牙河東岸嘉慶五年以念  
祖橋南東西二隄責成管理

謹案滹沱入獻縣臧家橋下爲子牙河經河間大  
城二縣界三汛一獻縣主簿一河間縣縣丞一大  
城縣縣丞乾隆六年直隸總河題准河間縣縣丞  
所管子牙河東西兩岸百餘里隔岸艱於巡防景



和鎮巡檢駐劄河東以東岸之地分歸巡檢兼管  
其脩防一切督率附近村莊歲歲興舉青縣境內  
子牙河正支東大隄自廣福樓大城縣涵洞中界  
起至小河村長十里有奇又自小河村起至大羗  
子頭隄盡處止長三十七里有奇原屬主簿管轄  
乾隆十年改歸大城縣縣丞管理又格淀大隄乾  
隆十年建築自大城縣之莊兒頭起至天津縣之  
西沽止長八十四里自當城以西屬子牙通判當

祠廟

冶河龍王廟

平山縣志在城西里許明知縣張璟建廟枕冶河  
本朝康熙二十二年知縣湯聘重修

滹沱河神祠俗名回龍廟明宏治中建

本朝雍正九年

勅修壇廟祀典春秋致祭照會典水神祀例與祭永定河神

同

龍母行宮

正定縣志在縣北關明天啓七年同知陸卿正禱  
雨有應邑民募建

大鳴泉廟卽羶羊神祠

正定縣志在城西二十里廟在泉旁洪武中中書  
平章李伯昇建知府郭勉記隆慶三年重修

謹案邑有大鳴泉羶羊神祠記以爲不知何所取  
義考山海經泰戲之山有獸焉其狀如羊一角一

目自在耳後其名曰獠獠其名自叫渚沱之水出  
焉此後世所由以獠羊爲渚沱河神也記蓋未考  
耳又元史本紀至正元年冬十二月加封真定路  
渚沱河神爲昭佑靈源侯張起巖傳渚沱河水爲  
真定害起巖論封河神爲侯爵而移文責之復脩  
其隄防濬其涇澗水患遂息豈卽獠獠神耶又郭  
勉記謂郡守高固熙寧中禱其神立靈源侯祠則  
是渚沱河神在宋已封靈源侯而元又加封昭佑

也

元武祠在正定府滹沱南岸隄上

舊正定府志萬厯三十五年久雨河決知府汪國楠身親堵築用巨槌穿鐵鍋編荆管以磚石與椿埽相連次隄遂堅固建元武祠於上以鐵羊窠之

至今無患

謹案鐵羊亦以象辣辣之神也

鎮河堰

藁城縣志在大寧門外明崇禎八年知縣劉敏學

建正殿三楹鐵牛二鐵狗二鐵柱二鐵劍一懸殿  
中春秋舉祀

本朝康熙十五年知縣柯願重修

大禹廟

〔藁城縣志〕舊廟在恒鎮門西一名三官廟建之以  
鎮滹沱水新廟在恒鎮門外嘉靖六年知縣傅夢  
弼建今移鎮河壇

河神廟

晉州志一在城南關外明知州葉臣建河水淹沒  
後又重建一在東關龍岡崇禎間知州李日煊建

本朝康熙庚午知州陳祖法重脩

五龍祠

晉州志在東門外明洪武間判官韓福吏目陳仲  
威建永樂間知州湯彥昇判官郝復初脩

河神祠

東鹿縣志在舊城東南隅萬曆中建今半圮

分水龍王廟

〔深澤縣志〕在邑治西關城濠上城西各路諸水流入城濠順治十二年知縣危時秀創建崇臺於此水分八字以殺其勢康熙九年知縣許來音重修龍母廟深澤縣在西關順治十八年知縣符渭英重修一卽龍堂在縣西十五里石橋社賈村廟前有八角井康熙十四年知縣許來音重修

河神廟深州在北門外隄上



河神廟安平縣在南門外隄外

河神廟饒陽縣在西關外

龍王廟冀州在州治東舊水門外

蕭晏二公祠

冀州志明成化六年大水知州胡瑛禱神水退次年構廟十八年溥沱河溢大水入城知州李德美急禱有麥稭順流而下適與所塌城樓土石并塞由是水不入城新廟立碑嘉靖十八年知州梁濟

修

本朝順治間知州王來泰重修

謹案舊志蕭公名伯軒宋新淦人明封水府靈通  
廣濟顯應英佑候晏公名戍仔元臨江人爲文錦  
局堂長因病歸尸解明封平浪候著靈江湖能拯  
水患其隨禱而應廟祀宜矣

三龍堂

武邑縣志去縣西北三十里康熙十六年重修

崔家龍堂在武邑縣西北

龍王廟武邑縣在趙橋集

龍母廟武邑縣在縣東二十里大興村

龍王廟獻縣在完固口康熙間有司奉

勅建春秋致祭

石佛寺

交河縣志一在魯道一在富莊驛一在王官屯一  
在常巷傳言石像自滹沱河浮下至此就岸夜放

光土人異而建寺奉之背有刻文大齊河清三年  
歲次甲申

龍王廟大城縣在縣南八里務農屯嘉靖三十年知  
縣趙德光建

太公廟

天城縣志縣城東北四十里地名子牙鎮有太公  
釣臺在河之中臺上舊有太公廟土民稱太公曾  
居於此因名知縣任彥棻請增上祀典

**[謹案]**太公廟於河無與以子牙河所得名故存之  
龍子廟文安縣在左家莊

水利

宋屯田

宋史河渠志淳化四年春詔六宅使何承矩等督  
戍兵萬八千人自霸州界引滹沱水灌稻爲屯田  
用實軍廩且爲備禦焉熙寧七年正月程昉言深  
州開引滹沱水淤田及開回胡盧河并回滹沱河  
下尾

謹案食貨志以承矩爲制置河北沿邊屯田使黃

懋爲九卿寺丞充判官發諸州鎮兵萬八千人給  
其役凡雄莫霸州平戎順安等軍興堰六百里置  
陡門引淀水灌溉初年種稻值霜不成懋以晚稻  
九月熟河北霜早而地氣遲江東早稻七月卽熟  
取其種課令種之是歲八月稻熟據此則宋時淀  
水通名滹沱而屯田水利尤不可不講種植之宜  
焉

明墾田

明史河渠志永樂八年濬定襄故渠引滹沱水灌  
田六百餘頃萬曆十三年以尚寶少卿徐貞明兼  
御史領墾田使貞明先治京東州邑至正定將治  
滹沱近堰地御史王之棟言滹沱非人力可治徒

耗財擾民帝趨其言水田事終罷

謹案徐貞明傳  
御史王之棟議

轉人進言水必不可行且陳開滹沱不伸者十二  
帝乃諭令停役周夢賜水部崔考安州高陽之境  
滹沱所經水患已極尚貴少卿徐貞明欲力除此  
患議深州故道仍有饒陽現行之道使滹沱由饒  
陽行者十之七由深州行者十之三并欲挑滹沱  
道修建橋梁而中貴大家重乘成用不欲改事御



史王之陳言之舉  
田水利道旨停罷

萬曆三十年保定巡撫汪應蛟

言淳沱水可溉恒山是年真定知府郭勉濬大小

鳴泉四十餘穴溉田四千頃 潞水客譚客曰正

定楊中丞之家居也亦嘗募南人緣水墾田歲入

甚饒及淳沱旁決桑田之變祇瞬息耳豈久廢之

餘固難卒舉者乎徐子曰是所謂廢食於噎非通

論也夫水利之法高則開渠卑則築圍急則激取

緩則疏引其最下者遂以爲受水之區因其勢不

可強也然其致力當先於水之源源遠則流微而易御田漸成則水漸殺水無泛濫之虞田無衝激之患正定尤滹沱所必沖者也安能久而無患哉蓋不先於其源之故也 正定縣志正定惟滹沱水壅雜沙泥難資灌溉然每遇水勢衝淤比水退反成膏腴第奔奪遷徙不恒耳他如城西之大鳴泉雕橋泉城東北之旺泉響閘水之發源於舊城河西北泉皆屢經前賢挑濬爲居民利且父老傳

旺泉大小凡十餘穴爲溉田萬畝惟是瀆泉之民  
故行淤塞僅自取足用而止恐發源勢湧雖利支  
流而上流或澹也誠曲爲調停而勤其鼓舞庶無  
瘠不腴乎 方輿紀要涇水在平山縣西北百  
二十里自半山湧出灌田數十頃

謹案此水  
入滹沱

### 本朝營田

畿輔通志平山縣奉良莊川防村等處營田引滹  
沱并治河之水仍洩水於本河

謹案潯沱自正定以下土疏流湧時有泛濫去害  
不暇豈遑興利獨在邑境山麓夾束不患軼出兼  
水濁泥肥於上流疏引布石留淤可以成田但苦  
山漲衝突須石堰捍禦工程繁費非民力所能爲  
今遣員開築堰立而田成秔稻甚茂然淤泥積久  
則山高而水不能上須種葛柴疏之俾土平而水  
可上水旱互易田乃可久此潯沱營田之法治河  
泥沙亦如法行之可以得半皆營田之變例也雍

正五年縣治西北奉良莊並正北川防村等處營田共六十頃一十一畝農民自營稻田共二十二頃零二畝六年縣治東北聖佛寺義羊村水碾村川隄村石橋村並西北米濠村等處營田共九十九頃五十四畝七分農民自營稻田共九頃零七畝七年縣治西北賈北村近掌村通家口并正北川防楊村東北義羊村水碾村西南史家灣西村等處營田共一百四十四頃農民自營稻田共五

頃四十四畝九年改旱田八十五頃一十四畝  
滹沱河東西岸傍民開挖引水渠三十三道

雍正五年奉良灘開引一道溉田四十八頃一十  
九畝九分四釐八毫零六年朱豪灘開引一道溉  
田十七頃八十二畝一分八釐七年近掌灘開引  
一道溉田十六頃五十四畝一分七釐四毫楊村  
灘開引一道溉田十六頃三十一畝九分一釐通  
家口灘開引一道溉田六頃六十畝八分八釐八

年楊村夾灘開引一道溉田二十一頃二畝三分  
二釐七毫乾隆二年田營灘開引一道溉田十三  
頃八十六畝九分九釐二毫大齊灘開引一道溉  
田十頃四十七畝二分五釐李家坡灘開引一道  
溉田九頃七十七畝四分七釐二毫十年南莊栢  
卜灘開引一道溉田十四頃四十一畝五分六毫  
東黃泥灘開引一道溉田四頃三十七畝五分十  
四年西崗興灘開引一道溉田九頃七十四畝王

母灘開引一道漑田三頃八十七畝二分四釐又  
小齊灘開引一道漑田六頃六十五畝九分五釐  
八毫閭興灘開引一道漑田六頃七十八畝二分  
三釐洪子店灘開引一道漑田一頃四十一畝西  
黃窪灘開引一道漑田五頃八十畝五釐柏嶺灘  
開引一道漑田一頃一十二畝八分二釐八毫漂  
里灘開引一道漑田七十一畝三分馬家峪灘開  
引一道漑田六十八畝朱坊灘開引一道漑田六



頃一十七畝三分九釐七毫南崗南灘開引一道  
漑田四頃五十畝四分二釐二毫三汲灘開引一  
道漑田二頃二畝五分二釐二毫田營灘開引一  
道漑田一頃一十六畝六分一釐霍賓臺灘開引  
二道漑田三頃七十畝六分四釐八毫馬家曠灘  
開引一道漑田二頃五十七畝八分四釐七毫十  
五年玉母灘開引一道漑田三十二畝東大吾灘  
開引一道漑田三頃八十四畝六釐九毫東閣興

灘開引一道溉田一頃九十六畝七分南崗南灘  
開引一道溉田五頃八十一畝八分九釐三波灘  
開引一道溉田一頃三十畝一分西崗南灘開引  
一道溉田八十七畝四分四釐城子灘開引一道  
溉田六十六畝

沿河岸兩旁民間開掘引水渠十一道

雍正五年川防灘開引一道溉田二十三頃一十  
九畝五分八釐六年水碾勝佛等灘開引一道溉

田七十頃六十六畝九分七釐七年賈北灘開引  
一道溉田二十七頃二畝一分二釐八年史家灣  
灘開引一道溉田九頃二十七畝五分五毫西村  
灘開引一道溉田十五頃一十四畝五分七釐二  
毫乾隆十年龍王堂灘開引一道溉田七頃二十  
畝九分三毫十四年冰碾灘開引一道溉田一頃  
六十六畝四分九釐孟賢北灘開引一道溉田一  
頃六十三畝五分八釐三毫西村灘開引一道溉

田五十九畝二分四釐一毫川防灘開引一道溉  
田一頃九畝五分八釐二毫義羊灘開引一道溉  
田二頃八十四畝四分三釐

畿輔通志正定縣雕橋村王古寺并城河順城關  
等處營田引大鳴泉小鳴泉之水墾池西北隅之  
方泉邑東北西洋村之旺泉歲久淤塞并疏濬通  
暢分流灌溉俱洩水於滹沱由邑西北而至東南  
數十里町畦鱗次清漪迴環向之廢棄者皆青葱

彌望矣雍正五年縣治西北雕橋村王古寺并城  
河四面順城關等處營田共一十一頃八十五畝  
一分農民自營稻田共一頃六十三畝六年城河

東西北三面并在城東西南三關相等處營田共

三頃七十二畝七分七年縣治東北西洋村大林

濟村等處營田共十五頃五十九畝

藁城縣只照  
河兩傍灌田

約有一頃二十  
畝現有成效

正定泉河圖正定縣西有大鳴泉小鳴泉楊家泉

石灣泉以及無名各泉甚多現資灌溉所用百有餘頃泉之下流總滙於城西之西柏棠村向由柏棠入護城河深潤二十里運藕魚蝦之利頗饒後城河湮塞水不能蓄轉以泛濫因任由城西塔元莊歸入滹沱河亦經導至城東響閘不遠仍由大林濟瀉入滹沱旋於西柏棠建閘攔水悉由塔元莊歸滹沱棄有用之水助滹沱之勢甚爲非計今於西柏棠起挑河八里餘引水至護城河城河四



面俱挑浚寬深使大鳴諸泉之水灌注存蓄以復舊規城東嚮閘稍北名鴨子閘今城河於此出水東南由小林濟至大林濟復東北折入藁城縣之固營村南長十五里又東南歷黃莊小屯隄甲至只照村長十八里俱開成河道其中因仍舊溝之處爲多再鴨子嘴東北二里許有南北道溝長十五里經朱河村達於固營今將南道溝挑拓寬深北道溝就現在溝身加以疏濬其鴨子嘴東北接

道溝以北舊溝環曲共長六百餘丈亦爲開挑爲  
附近東關一帶民田引灌之利其西柏棠閘改建  
大石閘一座鴨子嘴建石閘一座以司啓閉再各  
泉河俱總匯固營以南達只照村以下歸入滹沱  
河爲下口建石閘一座水小則鍵閉以資灌溉水  
大則啟放以備宣洩其舊由塔元莊前大林濟洩  
水之河口俱築壩堵塞各泉河往復交注於民田  
千頃之內承以支渠旁引四達聽民自行開挑營



出灌地又城東隅旺泉今就其故迹掘得泉眼數  
處水流頗盛自東西上塞村因舊有溝道開通東  
抵固營爲大鳴等泉周互灌溉其利甚溥

新舊營田圖正定屬之井陘縣有綿蔓河長流不  
竭冬亦不冰由平山縣境歸於溥沱河井平二邑  
民人於各河灘地內築壩開渠引用二河之水營  
治稻田井邑已營成者三十九頃平邑已營成者  
三百三十七頃現在自備工本營治將成者二十

餘頃據井邑民人呈請於縣北之段莊威州村西  
灘地內築壩引用綿蔓河水可以營治稻田三十  
餘頃又平邑民人呈請於縣之南莊等村東黃滌  
灘龍王堂三處均築壩引用滹沱河水南莊等村  
可以營治稻田三十五頃東黃滌灘可營六頃龍  
王堂可營十一頃二邑詳請借給工本銀八千八  
百餘兩按十年完繳營成之後照例陞科其渠壩  
等工聽民自行興脩查正定各屬如正定縣之西

灘二十七村莊引大小鳴泉楊家泉韓家泉諸水  
營成稻田共計一百一十頃餘新樂縣屬之中同  
等七村引用泉水管田共十三頃二十餘畝行唐  
縣屬之和合等村引用蓮花池泉水管田共三十  
三頃五十餘畝靈壽縣屬之文成頭等四村引用  
滋河之水營田共四頃九十餘畝阜平縣屬之王  
快西河灘贊皇縣屬之上西等處各引縣境河水  
營田六百餘頃再定州境內西板唐家莊等處引

用白龍黑龍二泉水小清河諸水營田一百六十餘頃以上八州縣通計成熟之稻田共六百六十餘頃而接連營田地面尚可開拓經營者如平邑之閭興田與二村之南灘地五十餘頃皆續辦以上京東局

畿輔通志大城縣李齊流河等淀營田引子牙河水洩水於淀池

謹案縣境爲子牙河所經卽滹沱下流也於治東

北王家口入淀而會同清流自西來會之餘波倒  
漾漚爲李齊流河諸淀縱廣數千頃內村落以數  
十計跨文大二邑之間居民每於平灘淺澗栽種  
秧田水小則收穫倍常水大則沒無遺粒然其地  
三面距隄勢如環衛而土性膏腴最爲官稻之區  
惟毗連大淀防禦闕如故不免於墊沒雍正十一  
年營田觀察使顧琮議令効力革職員外秦嶠建  
築北隄一道是歲淀內營田卽獲豐收次年觀察

使陳時夏奏請於南而建閘引子牙河流疏渠引  
灌仍以秦嶠任其事而副使王鈞劉勳各捐資築  
閘又於北隄開設涵洞以備宣洩秋收大稔從此  
以漸開數十里皆稻鄉也

謹案諸淀營田並  
詳清河東西淀篇

以上京西局